

天仙金丹心法題詞

曩者金丹心法書成予曾跋識卷末今重訂全書自無庸再贊
一詞謹誌遺事以補書中未備而詔來者按此書十六卷第十
二卷本擬名產嬰十二十四原擬名出神歛陽下即直接面壁
飛昇因我

孚佑帝師面奉

元始大天尊寶勅曰至道宜簡不宜繁功行患少不厭多可將
出神歛陽併入產嬰之內改名養嬰添入積行行功俾學道之
士既獲身修體煉且得道備德隆倘無功行陡接面壁飛昇亦
不過大羅班末郭喬輩耳我

道藏輯要

金丹心法
題詞

三

壁集六
川X8

孚佑帝師甫奉此勅即至壇云聖境靈通邁紫宸殿前別是一
流人

天尊著意金丹訣反覆殷勤囑小臣遵改後復奉

玉帝持勅派孚佑臣傳採藥結胎卷云可曲盡精微是此金丹
心法雖成於八祖而實我

孚佑帝師一人之慈心結撰始終其間以克底於成而所遇之
委折蓋難盡述學者試取採藥結胎二卷細心繹之當知隱括
全書前後精微矣則即以心法作專著觀也可

宏教弟子柳守元熏沐題詞